

梧州府志卷之十五

名宦志

宦蹟下

朱鴻漸吳縣人嘉靖十八年知梧州出納必親奸胥不得售其蠹輸羨餘以資公帑修葺學舍躬勤課講時征交南兵過境注措有方民不知兵累官福建布政使

吳必學字以思延平舉人嘉靖二十年任容縣教諭啓聖無祠捐俸建之又置文廟爐鼎籩豆百十餘器列科貢題名於堂左右課諸士最篤遷知亳

梧州府志

卷之十五

宦蹟下

一

州九江二守容士懷之爲立石

翁世經字可直福清人嘉靖二十四年知梧州治尙節簡約已裕人如意學校平衢道修府庫立三關寨百廢俱舉秩滿去闔郡思之

章熙字世曜海陽人嘉靖中以按察司僉事分巡蒼梧多有釐舉白馬三洲故險道也江道逶迤林木深阻諸蠻久窟爲患熙至下令調集諸路營兵統以徧裨而躬履其地度其地勢高下而隨刊之盡伐其樹藉其山分兵守焉自是諸蠻不敢復出邱雲霄崇安人以歲薦嘉靖二十五年任府學訓



導學問該博督學謝汝槐檄修省志擢國子監典簿令柳城縣所至有聲嘗著止山集尺牘抄行  
劉陶廬陵人嘉靖二十九年知蒼梧縣廉潔而嚴愛民如子時民任館庫里甲之役蒼梧當孔道者辦無休日陶獨毅然絕交際卽歲時於上官無私覲聽斷明允不以權勢骫法遇攢造躬較版圖盡剔諸弊民賴以安

王鳳吉永舉人嘉靖二十九年令懷集政從寬大治尙嚴明秩滿陞武岡知州懷民德之

張佐莆田人嘉靖間以鄉薦任懷集教諭學行純

梧州府志

卷之十五

宦蹟下

二

篤模範端嚴丕振士習尋擢荔浦令

劉教字道夫廬陵人嘉靖三十三年知梧州府有清操裁一切供億冗費以行義見重於時魏一恭譚大初雅尙風節亟稱之

翁堯英晉江人舉鄉薦嘉靖三十六年爲懷集令葺學宮以課士修橋堰以利民尋擢寺丞士民頌焉

石銘長樂人舉賢書嘉靖三十六年署府學事標經史大義啓迪諸生絕不與戶外事尋卒督學陳善治躬祭其柩曰才足以仕而不利其官德足以



壽而不永其年已焉哉夫固命之窮也已

李時晉安人嘉靖三十七年任岑溪教諭莊敬嚴毅不可干以私愛士如子勤於啓迪卒於官紳士思之如矢所怙崇祀之外復有專祠

蕭信潮陽人嘉靖間任懷集教諭善屬詞端已勵俗日與諸生講正學明心性置學田以贍貧者至今稱爲蕭學田云

李鵬舉歸善人嘉靖三十九年判梧州政務嚴明人不敢欺革釐倉弊解戶無虧公暇進諸生講心性之學署容縣懷集縣增置學田造士養民多善

梧州府志

卷之十五

宦蹟下

三

政

揭啓南豐人嘉靖四十五年任岑溪明敏有爲綽有風裁時乃隆徭覃公位盜民牛執而戮之諸崗股粟孔亮徭駱扶陰等爲質乞降公請給以衣布各徭爭先効順

梁佩高要人嘉靖間爲容縣司訓敦本實忘機械祭祀俎豆躬自陳設必誠必敬士有貧乏多周卹之

莊宇毅晉江人容縣訓導隆慶元年任持已嚴正舉動足法庚午領鄉薦除北流知縣



殷正茂字養實歙縣人隆慶初古田獞韋銀豹黃朝猛反銀豹父朝威自宏治初敗官兵於三厄殺副總兵馬俊叅議馬鏐正德中嘗陷雒容嘉靖時銀豹及朝猛劫殺叅政黎民表提督侍郎吳桂芳遣典史廖元招降之遷元主簿以守而銀豹數反復隆慶三年冬廷議大征擢正茂右僉都御史巡撫廣西正茂與提督李遷調土漢兵十四萬令總兵俞大猷將之先奪牛河三厄險隘諸軍連克東山鳳凰寨蹙之潮水廖元誘獞人斬朝猛銀豹窮令其黨陰斬貌類已者以獻捷聞改古田爲永寧

梧州府志

卷之十五

宦蹟下

四

州設副使叅將鎮守建委官運鹽之議以其息充軍餉綜理詳密軍需賴以不匱終明世增損其法而行之卒莫能易會僉事金桂捕得銀豹正茂因自劾詔磔銀豹京師置正茂不問尋代遷提督兩廣軍務會廣西巡撫郭應聘亦奏平懷遠雒容獞正茂以功累加兵部尙書

祀蒼梧名宦

林梓福建漳浦人隆慶五年守梧州歲荒賑禦有法民無死徙以艱去累官通政使

蘇湖雲南人隆慶六年知藤縣清欺隱興學校申飭鄉約復行條編訓民子弟招撫獞獠潔已愛民



政教煥然一新以外艱去士民爲立祠

陶之欽臨桂人隆慶間以鄉薦爲懷集學諭立師範維士行敦義明禮有胡安定之風

陳一定揭陽人萬歷二年由瓊山教諭擢懷集令勤撫字緩催科修建學宮課士日繼廩庖增置學田以資膏火養老月給粟帛剔奸禦盜政績偉然伍可受清流人萬歷丁丑進士五年任容令居政詳明慎密頓興百廢於學校尤有功十年行取擢南禮科尋遷山東分憲

陸萬垓字仲鶴浙江平湖人萬歷七年知梧州府

梧州府志

卷之十五

宦蹟下

五

清慎慈惠擒撫猺蠻闢東安西寧二寨興學育才府治火萬垓躬爲經始百度維新

林春茂閩縣人萬歷八年知懷集縣值金鵝猺亂大肆鴟張春茂請兵勦平時詔清丈以懷足額力請免量民得不擾請減鹽餉二百四十兩商民稱便

李曰巽字順之長樂人萬歷十一年知蒼梧縣廉正明允減差役免災米修書院社學邑人感之吳文華萬歷十二年由廣西巡撫總督兩廣爲治持大體務與休息嘗作殘墨二戒以訓官屬



肅然討平府江賀懷盜人服其威

周宗道廣東澄海人萬歷十三年知岑溪縣時獠賊新平留心安撫減額徵置官驛建學宮以興士類祠丁孝子民夷向風卒於官民爲立石祠祀林喬楠晉江人萬歷十三年知梧州府綜核政務尤切拊循蠲水火災米豁清丈重稅賑傷殘通糴糴處置有條民蒙其惠擢本省副使宋茂栢海陽人舉鄉書萬歷十四年知懷集縣善政得民以艱去遮道哭送立遺愛碑起補博白冰蘖不移復丁艱去家居一貧如洗

梧州府志

卷之十五

宦蹟下

六

仇順方順德人以鄉薦萬歷十六年任容邑令興學校行鄉約平里甲革坊廂不用操切而政勤事舉得蒙清苦之褒官至南戶部郎中

吳善字元夫龍溪人萬歷十六年以廣西巡撫晉兵部侍郎總督兩廣下車首禁屠牛賑恤荒歉清虛糧捕曠餉廉逋賦核僧田凡苛條悉從報罷而責成吏治尤蒸蒸切也故事兵餉歲羨數千隨募府出入不問銖毫悉登官籍其廉靜如此卒於署士民思其功德請合祀於吳桂芳祠

蕭彥字思學涇縣人萬歷十九年總督兩廣廉潔



儉素軫民艱食奏請蠲賦而輸梧關稅羨以資國計邊防籌畫周悉卒於官

陳大科字如岡通州人萬歷二十一年出撫廣西會田州土官告蠻叛授計右江道討平之上善後七策大要以弛征撤戍柔懷新附爲本又岑溪七山等山獍嘯聚復授計左江諸道討平之已而疆外蠻黎莫二姓構兵請於朝爲布立恩信以術招徠二姓皆請降

林茂槐福清人舉進士萬歷二十四年司理梧州聰穎過人是非立辨性嗜學手不釋卷進梧人士

梧州府志

卷之十五

宦蹟下

七

課藝多所成就

曾莘六合人以歲薦入太學萬歷二十五年知岑溪縣博學多才愛民重士興利除害百廢具舉城池學校祠廟皆公修創勞績最著及去任士民思之

王一道潛山人萬歷二十五年任岑溪典史廉慎有爲好暴屏迹建城有功陞昭平主簿尋卒士庶思之

凌嗣音浙江烏程人萬歷二十七年知梧州府清靜平易當岑溪北陀大兵後兼助大工中璫權稅



嗣音爲先事綱繆裁節有方人心遂安

劉炅江西南昌人萬歷二十七年知藤縣與民休息捐俸建學造士稅瑞起藤蒙三江稅於五屯採金人心皇皇炅與太守凌嗣音力爭其弊強項不屈

陳煥臨海人萬歷二十九年知懷集縣重學興文軫恤民困除耗羨修陂塘盡力田畝凡饋膳所須必同民間給直時議運官鹽煥以懷民素不習舟楫懇爲申免士民建祠以祀

吳宗教武陵人萬歷中知容縣縣多毒草民以小

梧州府志

卷之十五

宦蹟下

八

隙輒服草傷命宗教訊必反坐又捐俸每兩約納毒草有根者若干朔望焚之毒草遂絕歲旱飢糴米於鄰勸富戶出粟賑活多人

黃流芳字若瓚博羅人萬歷間官廣西按察副使宜陽天河縣爲土司蠶食邊界下檄責其罪狀土酋惶恐不敢擾柳慶間多劇盜率諸軍削平之進叅政部蒼梧首飭軍政境內肅然在官以廉節自敦文武將吏無敢以餽遺進者嘗語鄰南臯曰非敢異物率吾性耳

攷通志補載

李沐宜山人萬歷間以恩貢授梧州司訓遷懷集



學諭舉動可風修學置田有文詞行世陞河陽令卒配祀文昌

張聞性萬歷三十七年任岑溪令甫下車詢民疾苦痛革里役諧弊民困得甦

謝君惠將樂人萬歷四十四年知懷集縣保赤愛民重修學宮建文昌書院爲治振刷糾紛奸不能眩邑人有青天之譽擢刑曹復以郎中出守梧州剔弊汰冗清聲尤著

陳鑑石屏人萬歷四十五年知梧州府甫再月梧城大火城內外公私廬舍俱盡鑑徒步周詢所賑

梧州府志

卷之十五

宦蹟下

九

以千餘計皆出橐中及借公帑時有乘機夜掠者捕獲以軍令徇民乃安是年粵西復大祲柳慶橫邕潯梧稻盡槁諸郡殍死相藉鑑發倉粟平糶盡則以價轉糴東省接濟民食闢梧陽書院以教十屬生徒修護堤防浚鱷魚池瀦蓄其水爲學宮後奠在任四年陞潯州分守道去郡人建祠祀之

祀名宦

陳熙韶南海人舉鄉薦萬歷四十七年同知梧州府學問該博靜重端方言笑不苟事無大小必詳慎周悉署府篆一載一遵成法不事更張權廢稅



僅足額而細稅悉捐商民德之梧郡舊志皆熙韶  
所論定以存文獻有功來禩云

詹子忠莆田人萬歷四十八年任岑溪令愛民重  
士遷學回城士民懷之

梁子璠南海人天啓二年知蒼梧縣逐積蠹革陋  
規凡供役病民者悉請裁省郡舊爲陰城樓廊燬  
幾盡復建則益病民子璠請撤朽敝修築完固改  
爲陽城興學造士以品行爲先聽斷明允而不爲  
深刻院司知子璠廉介委之權稅正額外毫不自  
潤後擢御史以論事杖戍尋放還歸祀名宦

梧州府志

卷之十五

宦蹟下

十

楊崇忠懷集令先是八排猺構亂天啓元年總督  
張請征勦委都司蔡一申討之一申僞報捷班師  
四年排猺糾合將乘東省八月鄉試官員八場順  
流攻廣州連山崇忠偵知之討擒渠魁餘黨解散

西省并賴以安

攷懷集雜志補入

王用霖南康人天啓四年任岑溪令有惠政士民  
建祠祀之

李邦才鶴慶人天啓六年知懷集縣凡鹽課陋規  
河廠羨餘匱額加耗盡報院司秋毫無取值猺寇  
謝龍崖倡亂單騎入嘉崗營以計擒斬之境賴以



安尋卒

蕭聞宇太寧人崇禎三年知懷集縣多惠政時歲饑民逼穀商將亂聞宇借帑糴穀貯公所任民平糴不足又發倉廩穀賑之商民並感

章金鉉漢川人崇禎五年以御史出知梧州府公明剛介綱紀振肅而不爲深苛士農商旅各安其業有循吏風

姚張斌字憲卿臨川人崇禎八年任蒼梧道政事詞訟裁斷立辨而好學不輟圖書外無長物清節卓行人咸稱之

梧州府志

卷之十五

宦蹟下

七

衷崇寅南昌人崇禎九年任梧州推官公明敬慎案無留牘每一事必洗心滌慮究悉周詳故大獄多所平反常自謂敕罰之司稍涉輕率則故入故出之咎不能自免於心舊例府僚歲理廠務一季崇寅以職司明刑不關錢穀辭讓之其清介有足稱者

張鏡心字湛虛河南磁州人崇禎十年總督兩廣平諸蠻寇功鐫兩粵碑有平蠻紀事八卷

金九陞字允訥全椒人崇禎十二年任蒼梧分巡道時尚猺豕突於北流信宜之界東省官兵敗



之復反於西焚掠鬱林北流總督張鏡心令九陞會勦九陞偵知賊巢卽督鬱林知州劉履丁北流知縣張問士會同弁目直趨鳳凰山口先後擒獲滿朝哥等一百九十餘名殺傷無算殲厥渠魁餘氛盡滅復葺瑞泉書院故址以課諸生崇禎十五年調上荆南道復會三省合勦八排猺崗九陞監軍督餉勞績最多以病乞致仕去

梧州府志

卷之十五

宦蹟下

十一

汪德元歙縣人崇禎十五年任蒼梧縣省刑罰絕苞苴目擊民艱憂形於色時楚三藩避寇八梧德元調護禮敬備至衛兵驕悍則挺身扞禦禁其暴虐賀縣土寇起郡戒嚴叅將出師防禦境上德元往來餽運糧餉拊循百姓賊撲滅城中乃安

李聯芳崇禎十五年知懷集縣時賀寇蹂躪後哀鴻甫集聯芳至立清奸蠹民賴以安一切供應皆自辦保長里甲終歲無追呼折獄三年無冤民方離任民建生祠尸祝

蔡雨東莞人以鄉薦知容邑修城池更文廟建明



倫堂學舍宮牆煥然一新

國朝

沈倫湖廣天門人己丑進士順治八年知梧州府  
慈惠溫良操持剛介時梧州初闢百姓逃匿瘡痍  
未起倫多方招徠民漸安集未幾六師征討倫悉  
心經理不以絲粟累民又時時爲鎮將開誠婉諭  
調劑輯和故地方卽甫定而百姓安堵皆倫之力  
也政事暇輒進諸生課藝獎勵多士翕然向風僞  
安西寇梧籌畫勞瘁力竭城陷不屈而死

瞿鶴齡江南鹽城人順治九年知岑溪縣廉慈愛

梧州府志

卷之十五

宦蹟下

三

物勤於政事時當兵荒之後地方殘破公戢兵保  
民人甚德之

陳上年字祺公清苑人順治己丑進士歷官廣西  
叅議奉繼母孝友於兄居無私蓄逆寇破梧州迫  
以官毅不屈困以死事

聞優恤

畿輔志

張繼曾貴州舉人順治十二年以儀制司郎出守  
梧州練達有爲冰蘖自矢凡屬寮餽獻槩擯絕之  
是時兵戈未靖差務殷繁繼曾詳請優免雜派減  
省差役民困得甦任三載卒於官僕從僅二人有



司檢其囊篋蕭然無長物士民思之

田昇龍奉天人順治十四年以監察御史巡按廣西未至先微行各屬得民間疾苦狀甫下車卽疏陳粵民重困凡包攬鹽埠勒抑土官營債准折諸大弊立除之勒石以禁時旗弁有強佔民田奪人子女者力爲查還不畏強禦藩鎮兵皆目爲鐵御史素性淡泊食無兼味巡歷所至從人不過數人民有訴必召令面陳平易無厲容人得罄其始末惟糾彈貪墨不少貸郡邑都憚之風清弊絕民困

頓蘇節通志

梧州府志

卷之十五

宦蹟下

十四

閻玫直隸真定人壬辰進士順治十四年任梧州司理言動謹恂風裁峻整興學校教明刑敕法上下肅然嚴示署門凡歲時一切餽獻不許通刺巡按田昇龍行部至梧知玫剛正檄與俱按逮積蠹五人論如律又署縣事馬自定貪污狼籍玫具揭題叅當事有欲曲庇之者玫不爲屈如其罪遣戍之鎮標占據城中民屋玫詳懇巡按疏請給還俾將猶有難色玫毅然出示民得復業署府篆革去錢糧重耗出納惟允胥吏不敢欺罔在任四年與利革弊必中民隱擢戶部郎去闔郡百姓攀轅泣



送

劉廣國字賓生湖廣潛江人已丑進士順治十四年知岑溪縣時地方屢遭土鎮殘害頻年不耕民採蕨根充食多餓死者廣國至買米以賑給牛種俾墾荒田闔邑熟糧不滿五百石而逋者皆鳩形鵠面惻然曰吾何忍復以催科累此窮黎遣家人歸取數百金代償之士子應考悉給卷資路費范岑二載士民懷之

許重華河南太康人壬辰進士順治十五年令懷集果決明敏聽訟片言立折其馭下甚嚴而撫民

梧州府志

卷之十五

宦蹟下

五

極慈時獠獍出劫親勦捕之凡公務詣府單騎往唯一二僕從自隨蒞任三載不用民間一夫懷人至今思之

陳緯山東臨朐人戊戌進士順治十八年知蒼梧縣慈惠廉潔遇事剛果敢爲蒞任數月有巨豪以奸事行毒殺一儒生緯鞫其實具獄上申豪大賄當事強釋之緯復取置之法人皆稱快再期卒於任其子思靖奔喪至邑人歛金以贖櫬始得歸

楊廷耀奉天人康熙四年任梧州通判時盜風肆熾官餉往往被劫廷耀督防甚嚴盜風三變等



俱就戮盜患遂息分權梧關刊定稅貨則例按往來船戶人給一紙吏役乃不敢苛索署容縣事省刑薄歛興復學宮與士民更始偽安西李定國餘黨竄竊大容山連結猺獞出沒不常延耀復以計擒逐遠近帖然逃氓復業者如歸市

唐鳳字羽雲廣東潮陽人康熙七年以都司僉書守賀縣軍法嚴明桂嶺諸猺獞憚之孫延齡附吳逆叛鳳詣督府陳破賊方畧督府令以援勦遊擊鎮岑溪時僞檄紛馳土鎮蠡起鳳破斬其僞總兵林萬勝孫雲客於藤縣義昌鄉敗其僞總兵王邦

梧州府志

卷之十五

官蹟下

六

相張宏等於容縣波里民賴以安鳳素得士心且平易近人鄉人來見者與之酒食衣服訊所在形勢故敵情每先見之所向輒勝後卒於官

劉昌言字禹度江南山陽人已亥進士康熙七年任岑溪令寬恕愛民催科有法作四單輸糧吏胥不得爲奸革重耗免雜派禁服毒息訟寧人妖賊馮四彭奇爲亂輒討平之陞宛平令未赴卒士民

懷之

祀名宦以上舊府志

黃裳吉曰治邑而聽輿誦君子猶疑其諛也至解綬而廛去後思世遠而謀庚桑祝非有大功



德於民安得此報於俎豆間哉梧郡邑之祀名  
宦者代不乏人今採列傳而嘆梧多良吏焉其  
最盛者如陳稚升之囹圄恆空陳臨之惠及囚  
嗣執中之陶民愷悌張吉之期士聖賢庶幾哉  
以德化民之遺乎他若李亨伯光崇賢祀陳宇  
條行荒政劉士奇翁世經捍禦大患林喬楠之  
免災稅豁重編陳鑑之誠心恤民加意造士政  
蹟昭然矣而發廩賑饑何源之舉不殊內史却  
羨歸帑何異懸魚肩輿折中使之貪婪李本其  
有勁節與纂修存一郡之文獻陳熙韶謝君惠

梧州府志

卷之十五

宦蹟下

七

具有遠圖也外此而揆文奮武興利革弊或宣  
勞於軍興之時或流惠於昇平之世無論守擬  
龔黃令齊卓魯而僚佐師儒一命之士位卽卑  
小旣賢且能咸可表敘故自漢而下迄於

國朝有品行高潔政事卓異當時歌頌去後見思者  
皆得而傳之前模具在奕世流芳後之從政者  
又可繼此而興矣

按康熙八年妖賊馮四彭奇倡亂攻破容城掠  
及岑境時知縣劉昌言城守徐國才典史蔡鵬  
脅力攻擊賊遂退諸生羅天



斬之餘黨悉散事載岑志今攷舊志縣志昌言  
有傳國才職官名下亦畧載禦寇事而蔡鵬并  
軼其名天業亦莫爲表而出之者因并攷核補  
載分著於編

蔡鵬不知其籍任岑溪縣典史善騎射有謀畧康  
熙八年妖賊逼岑境勢甚洶鵬謂昌言國才曰是  
不可不先奪其氣發一矢射其旗落之賊驚而譁  
國才乘機衝擊遂克之妖伏其神箭云又有俞綸  
者容縣大崗巡檢也容賊楊彪作亂劫掠波里綸  
追捕至岑溪六告山伏發遇害岑人哀之爲立祠

梧州府志

卷之十五

宦蹟下

六

事在康熙三十六年

見岑溪  
大事志

按典巡微員耳而功在生民卽名重彝鼎蔡鵬  
雖遺舊志俞綸尙有傳聞例得合傳允足繼迹  
區昌媿美俞鑲矣

徐國才岑溪城守把總也妖賊馮四彭奇搆亂寇  
入岑國才與知縣劉昌言典史蔡鵬禦之時賊假  
妖術惑人稱能遣紙人馬及驅縱虎狼食人猺獐  
信從者衆勢甚猖獗國才挺身奮擊手刃數賊遂  
披靡逃散及羅天業捕獲渠魁問其能作何術曰  
本烏有耳賊平餘黨悉散歸業岑容間民並德之



先是有吳應龍者懷集城守千總順治十七年土賊劫歐岡應龍救之賊遂退據黃姜聚營堅壁又破之康熙元年春懷集土賊盧英劫撒村應龍敗之賊計窮卽就撫

按城守官弁之職雖非將領而責任地方所恃以衛民者至近且切也讀劉楚傳其英風義氣千載如生事幾泯沒不彰矣而通志特爲列傳至今談者色起徐國才吳應龍皆任城守而能奮勇遏寇干城之寄復何慚焉補舊志所遺故連類而書之又附錄容人植廷紀遺誌條載康

梧州府志

卷之十五

宦蹟下

九

熙七年八月初七日水源賊首彭奇統賊七百餘人逼城西而營城守羅忠與其壻帶兵二十餘人迎戰陷陣中壻被殺羅忠乃戰出重圍入民舍借民簞笠貌農人欲問道入城計復戰而知縣沈希畢已棄城走賊遂入城忠卽星夜奔潯州乞師得援兵三百擊之賊乃散後忠竟以棄城失守獲罪一時傳報之未實也

馬雄鎮字錫蕃奉天左衛人起家任子歷官僉都陞國史院學士

子簡巡撫廣西甫蒞任值群寇煽亂於左右江平梧諸



郡擁衆數萬雄鎮勦撫並行計斬渠寇楊其清等  
賊衆瓦解首清鹽課蠲權稅建學勤民剔奸瘳蠹  
九郡晏然康熙十二年冬滇逆構禍孫延齡殺其  
都統佐領以附逆雄鎮密檄提督馬雄潛師會勦  
雄遷延不至因蠟疏具狀遣子世濟世永間道入  
京乞師延齡訶知一夜發兵圍撫署脅以死陷以  
爵皆不爲動因羈繫以邀其從後逆賊吳世琮趨  
桂林執之詣賊營雄鎮詈罵不屈遂遇害闔門死  
者百餘人

敕贈太子少保兵部尙書賜祭葬諡文毅後巡撫都御

梧州府志

卷之十五

宦蹟下

三

史郝浴疏請建雙忠祠祀之其幕中賓客同與難  
者有朱昉李子燮一爲江南人一爲江西人又陳  
文煥上虞人與大興孫成亦同在幕當雄鎮幽囚  
時文煥等義不忍去甘心械繫患難相周旋者四  
載康熙十七年

王師下蒼梧文煥脫奔白其事於巡撫傅宏烈據情  
八

告奉

旨嘉其忠盡從優議敘授安邱知縣

屈大法督標副兵官也康熙十三年僞總兵緱成



德率師攻梧州時知府楊彥溶城守中軍王邦相  
皆賊黨人心惶懼桂林藩督兵會擊賊暫退議委  
屈大法守梧州城大法相機宜於石英山樹柵開  
塹與府城犄角分兵駐守哨船列礮石防備嚴密  
寇不能入大法招集潰兵撫綏百姓人心乃安梧  
城得以保障屈之功也梧人至今稱之  
羅文舉永定人初任廣東千總累立戰功擢廣西  
梧州守備康熙十四年寇犯藤縣奉調應援奮勇  
殺賊陷陣而亡事

聞贈官予祭給葬銀三百兩官其子一人

梧州府志

卷之十五

宦蹟下

三

傅宏烈字仲謀江西進賢人擢守慶陽逆藩吳三  
桂潛謀不軌宏烈探知狀首發之鞫訊者阿三桂  
竟誣坐以辟繫獄尋蒙

恩宥得減死戍蒼梧無何三桂叛閩越湖南相繼淪陷  
宏烈召募義兵出龍南庾嶺東迎

王師諸反側聞風歸正

嘉宏烈忠悃

簡巡撫廣西佩撫蠻滅寇將軍印宏烈智計泉湧分  
兵四出遂復梧潯郡縣數十城晉秩太子太保已  
未秋全粵底定猶以雲貴未平誓滅渠魁三疏



撫篆選甲厲兵進討取道柳州柳降將馬承廕驚悸邀計機宜諸將校知承廕叵測力阻其往宏烈曰吾素撫柳帥厚柳帥既許我前驅倘蓄疑大事不集我推心置渠腹中渠恐有是乎竟單騎往爲所執械送桂陽作絕命詞絕粒詈罵遂遇害宏烈前後請留中密疏如預陳尙逆反情布置投誠官兵及籌畫勦撫機宜皆洞中肯要歿後特奉

溫綸昭示忠悃盡下其前後諸疏布諸中外

敕贈太子太師子祭葬諡忠毅巡撫都御史郝浴因紳士公籲大忠疏請建雙忠祠偕馬文毅同祀於桂

梧州府志

卷之十五

宦蹟下

三

林省城梧人亦祠祀之

張仲璜字半玉漢陽人由歲貢生康熙二十七年授梧州府同知潔已愛民尤加意於弭盜時古雍塘天容山巨盜陸亢登等憑險出沒數爲民害仲璜甫至密計擒其渠魁置之法餘黨悉散民賴以寧未幾以父憂歸

俞鑲浙江紹興人任容縣大崗司巡檢康熙丁丑廣東賊禾倉二烏肉蛇嘯聚岑溪六垢山兩縣約期會勦而賊劫該司古例村擄其民鑲率兵勇即追至六垢與戰殺四賊乘勝追之賊設伏山間



力戰而死狼總黃秀榮與狼兵弓兵五人奮勇救護皆戰死村民歲時祀焉

潘名世康熙三十七年知蒼梧縣政尙嚴明吏胥畏服捐俸倡建縣學文廟多士感之

安自治臨桂人康熙二十八年教諭蒼梧廉靜自持善於訓誨捐俸助建文廟督率與有功焉

呂猶龍字雨邨正紅旗人康熙三十九年任岑溪全岑接壤粵東流匪往往逋藏煽誘地小而稱難治猶龍潔已愛民四境胥悅會母疾詳乞歸養巡撫彭鵬重其才有豹見一斑及不愧爲民父母之

梧州府志

卷之十五

宦蹟下

三

語爲具疏以請調知博白博邑多陋規民雖重病而因仍供億莫敢言猶龍蒞任甫兩月訪悉民隱凡現辦換票拆引加耗諸弊政列欸具詳禁革鎮以廉示以信惠威交摯一如岑溪治行爲一時最晉秩去兩邑士民至今懷思不置

潘明祚山東進士康熙四十一年爲藤縣令教養兼修清白自矢縣舊例有納糧外索二分之費吏役承管公堂之需又有供應柴炭查封民船挨點戶冊取辦祭品以及蛋戶漁稅民夫帮錢種種苛累明祚之任概行詳革勒石示禁民困以蘇



張庚曜順天大興人康熙四十年以進士任岑溪時有容縣賊楊彪者潛入連城鄉青墨山肆行劫掠山卽僞總兵陳選故巢南連信宜西北跨蒼梧容縣深菁窳谷搜捕爲難自康熙三十五年起剽掠無虛日西南連城三鄉被害最甚庚曜下車卽力圖撲滅且撫且勦賊負隅拒戰越二載乃獲楊彪法斃之餘黨悉散邑志云至今士民安堵張之功也

張維遠字德侯奉天人康熙四十三年任分巡右江道右江蠻獠雜處夙稱難治維遠多方開導務

梧州府志

卷之十五

宦蹟下

十四

令家喻戶曉由是民風丕變寇盜寢息以其俸入之餘設義學賑飢民尋遷蒼梧驛鹽道剔弊除奸禁絕私販商有餘貲引不壅滯本實心行實政民勉淡食之苦茹蘖飲冰清操益厲表率屬員皆勉爲廉吏云

張義雲南新興人康熙丁卯鄉薦四十三年授岑溪令蒞任後卽詮釋

聖諭十六條按日詣鄉集士民親爲宣講農夫牧豎無不領悟操守廉介處事明決革排門月夫諸陋規以除民累有告訴者卽日剖斷勿令伺於縣門胥



役無間可乘故貧民之寃易白而訟師不能逞其  
奸生平自奉止於一飯一蔬衣履非極儉不易卒  
於官邑人醵貲以助旅櫬乃歸

劉楚河南人以行伍補梧協陸路把總善騎射杭  
漑有智畧防守岑溪二十餘年康熙戊戌二月朔  
晨起見賊胡嬰村楚憤恨盡出城內兵得六人令  
以兵少止之楚曰嬰村去城不二里白日盜劫目  
中豈尙有官乎我誓不與賊俱生矣遂毅然往賊  
列陣村外百總劉得勝挺鎗直前賊殲之楚吼怒  
矢連發不中一賊飛鎗至楚奪鎗賊倒撞田坎下

梧州府志

卷之十五

宦蹟下

三

楚方砍馳刃一賊從旁刺楚墜馬跌賊躍起支解  
之隨丁聶義至急發炮擊殺楚者不中卽舉炮楮  
賊終不能突圍而死義子甫十齡驚遽掬土塊擊  
賊賊逐之旁觀者拉走乃號泣去賊亦返越五日  
副將劉沛追至連城殺賊五得賊魁快子筒者祭  
楚云

李世孝字虞徽鑲紅旗人由盛京刑部員外例捐  
知府於康熙四十八年蒞任梧州歲癸巳大饑倡  
捐糴米於大雄寺開設粥廠分給各鄉設廠亦如  
之自是路無餓孀全活者甚衆又捐修儒學建復



茶山書院捐置書院田千餘畝永爲諸生膏火并置產受息以資鄉試路費至今士子沐教澤焉歷任八載軍民士庶稱頌如一口去之日江干兩岸扶老携幼數里涕泣相送兄世仁先於康熙十九年蒞梧亦有惠政梧人思慕立祠茶山書院之東並祀之

張若需桐城舉人康熙六十年由嚴州府丞歷治中遷知梧州府梧郡商賈輻輳東省不逞之徒每潛入爲盜捕之急則逋還東省隔屬關提每至聞風遠遁若需至專意團練鄉勇申明賞罰以鼓勵

梧州府志

卷之十五

宦蹟下

三

之嚴飭保甲守望相助有自首改悔者收作撫丁分隸卒伍中旣約束有人又有月糧以餬其口本地無勾引之人而東省胥篋者亦屏跡梧廠爲本省公費所由出利源所在往往因緣爲奸若需處膏不潤商賈稱便稅課以充報最遷驛鹽道值鹽政敝壞

詔令詳議善策遂改爲官運官銷當創制立法之初頭緒繁多若需悉心經畫條分縷析盡中機宜國課無虧東西便之至今食其德焉其他有利於民者行之惟恐後以積勞成疾卒於官



徐嘉賓順天大興人由內閣中書選授桂林同知題陞知府於雍正元年蒞任秉心慈惠事之利民者汲汲爲之而才識明斷諸弊悉除重修藥王廟設方藥以救民疾捐修書院加意造士遇水火賑恤貧乏者必遍給之郡舊無倉儲自捐俸一千五百兩糴米三千石詳請設立社倉以備歉歲賑饑之用蒞任三載其痼瘼民瘼類如此四年調任慶遠府至今士民懷德口碑如新嘗自謂矢志利濟乃夙表庭訓云

劉信嘉號慎齊江蘇山陽人康熙乙未進士雍正

梧州府志

卷之十五

宦蹟下

七

甲辰爲岑溪令蒞任六年修廢舉隆善政不勝枚舉而最著者莫如革里冬一事里冬者岑編戶三里上下化鄉爲一里歸義永業爲一里連城西南鄉爲一里每甲設冬頭一名責令催科三甲各設甲長經紀收解正賦使費而外加以差務供應歲需千有餘金黠者苛派樸者破亡大爲民患信嘉一除其害有慈父母之稱尤體恤士子造就甚衆以老疾乞休歸邑人思慕勿衰建祠常寧墟後于烜號松崖江蘇金壇人乾隆乙丑進士癸酉謁選得岑溪蒞任毀淫祠興文教聽斷明決必得實



清戊寅邑大旱米價騰貴烜設法賑濟不辭勞瘁  
全活者數千人是年冬以疾卒於官士民感泣至  
今稱之

梧州府志

卷之十五

宮蹟下

天



名宦志

寓賢

自古勝地必多名賢有名賢而勝地益藉以傳梧南交一古郡耳非衣冠會萃之鄉而山水僻荒之境也然而蒼梧雲深九疑山古抗懷遠矚於斯爲盛踔厲霞舉者往往低徊留之而不能去名山之藏千秋之業敷教澤而光金石是則復乎尙已若夫投荒遠徙鬱塞離憂之客懷君門於萬里度嶺海而孤征或眺望雲山或流眄景物欣然有觸歌咏將之豈惟天外瑤笙已留雪中鴻瓜後之人慕

梧州府志

卷之十五

宦蹟下

五

其流風遺韻而沾漑之卽陽春甘雨之餘潤焉耳  
漢

劉熙字成國北海人博覽多識建安中薦辟不就避地交州往來蒼梧南海客授生徒數百人乃卽物名以釋義作釋名序曰名之於實各有義類百姓口授而不知其所以然之意故撰天地陰陽四時邦國都鄙車服喪紀下及民庶應用之器卽物名以釋義凡二十七篇又著諡法三卷行於世袁徽陳郡人司徒滂之子以儒素稱遭天下亂避地交州司徒徵辟不至



程秉字德樞南頓人少明周易詩書事鄭康成得其奧秘後避亂交州與劉熙考論大義遂博通五經士燮命爲長史孫權聞其名以禮徵辟拜太子太傅後卒於官所著周易商尙書駁論語弼凡三萬餘言

虞翻字仲翔會稽餘姚人孫權以爲都騎尉翻數犯顏諫諍權不能悅權與張昭論及神仙翻指昭曰彼皆死人而語神仙世豈有仙人也權積怒非一徙翻交州翻雖在徙棄心不忘國及遣周賀等往遼東求馬翻聞之以爲去人才以求馬旣非國

梧州府志

卷之十五

宦蹟下

三

利而遼東絕遠恐無獲復徙蒼梧猛陵後賀等爲魏人所殺權始思翻言召之會翻卒以喪還翻嘗云自憾疏節骨體不媚犯上獲罪當長沒海隅生無可與語死當以青蠅爲吊客使天下一人知己者足以不憾翻雖處罪放而講學不倦門徒常數百人又爲老子論語國語註皆傳於世在南十餘年年七十卒

吳志本傳

薛綜字敬文沛郡竹邑人舉秀才漢末大亂乃依故人避地交州從劉熙學士燮旣附孫權召綜爲五官中郎除合浦太守治郡威惠並行民獠愛之



轉守交阯時交土始開刺史呂岱率師計伐綜與俱行事畢還都授謁者僕射赤烏三年徙左都督尋爲選曹尙書太子太傅所著詩文名曰私載又定五宗圖述二京解皆傳於世

顧譚字子默吳郡顧雍孫邵之子弱冠與諸葛恪等爲太子四友授中庶子歷太常代祖父雍平尙書事以魯王霸與太子和齊衡譚上疏切諫爲全寄所構徙交州發憤著新言二十篇其知難篇蓋自悼也年四十二卒於交阯

宋

梧州府志

卷之十五

宦蹟下

三

張融字思光吳郡人孝武時出爲封溪令道遇獠賊執融將殺以食融神色不動賊異而舍之浮海至交州於海中作海賦與交阯太守卞展善展後爲人所殺融挺身奔赴往還南中竟反其喪

通志

隋

俞益期豫章人寓交州著交州牋

通志

唐

李嗣真字承胄趙州栢水人永昌初以右御史中丞知大夫事來俊臣獄方熾嗣真上書諫以爲昔陳平事漢祖謀疏楚君臣行反間計項羽遂亡今



殆有如平者問陛下君臣恐為社稷禍不納出為  
潞州刺史俊臣誣以反流藤州久得還

宋之問字延清汾州人武后時賦詩見意奪錦袍

以賜官尚方監丞與韋稚通志作韋維稱一臺二妙中

宗時為修文學士後貶嶺南有經梧州發藤州諸

詩

李白字太白四川成都人謫夜郎時假道藤州寓

赤水之廣惠寺寺後有巖白讀書其中因名李白

巖有詠紫藤樹詩

契苾承明開元間突厥默啜之疆迫奪鐵勒地回

梧州府志

卷之十五

宦蹟下

三

紇契苾思結渾四部以避之甘涼間四部怨王君

奐繩以法遣使自訴上遣中使察之諸部不得直

於是回紇承宗等俱流遠州契苾承明流藤州

李群玉常自五羊來訪桂州經蒼梧故人舊居有

一院蕉聲暮半庭春影斜之句

楊衡吳興人遊嶺南與陳羽念別有云碧桂水連

海蒼梧雲滿山

宋

洪湛字惟清昇州上元人以右拾遺直史館端拱

初與左正言尹黃裳馮拯右正言王世則宋沆伏



閣請立許王元禧爲儲貳詞氣狂率太宗怒宋沈  
坐呂蒙正親黨出爲宜州團練副使乃出湛知容  
州容有戍卒謀竊發者湛偵知亟斬之遷比部員  
外郎咸平二年召還命試舍人院復直史館

蘇軾字子瞻眉山人以宣仁召用時御史賈易輩  
論軾與弟轍作文詞譏斥先朝至紹聖初御史復  
以爲言謫英州未至貶寧遠軍節度副使惠州安  
置居惠三年貶瓊州行至梧會弟子由亦謫雷州  
適先過梧追晤於藤同至雷州渡海而別徽宗立  
移永州還廉乃作竹筏下水歷容藤至梧與子邁

梧州府志

卷之十五

宦蹟下

三

約移家會於梧後赦還公固嘗往返梧州藤容間  
也

秦觀字少游高郵人見蘇軾於徐爲賦黃鶴樓軾  
以爲有屈宋才登第爲正字兼國史院編修紹聖  
初坐黨籍出判杭州御史劉拯論其增損實錄貶  
監處州酒稅使者伺其過無所得則以謁告寫佛  
書爲罪削秩徙柳州繼編管橫州又徙雷州徽宗  
立復宣德郎放還至藤州出游華光亭爲客道夢  
中長短句有云醉臥古藤陰下杳不知南北一日  
醉起索水欲飲水至笑視之而卒人以爲詞識先



自作挽詞甚哀時陳無已亦嘗客藤黃庭堅詩曰  
閉門覓句陳無已對客揮毫秦少游二子不知溫  
飽味西風吹淚古藤州蓋傷之也

按東坡一帖秦少游過客留少日飲酒賦詩如  
平常容守遣般家二卒送歸衡州至藤傷暑因  
臥至八月十二日啓手足於江亭上淮海之卒  
於藤此其實錄也曰傷暑因臥與志稱出游江  
亭索水欲飲笑視而卒者其說小異豈志載故  
未詳耶又夢中曲有春色黃鸝等句此帖所云  
卒以八月疑非其題詞之時蓋公固嘗往來於

梧州府志

卷之十五

宦蹟下

三

藤豈得拘於一時以爲說哉附錄其詞曰山露  
雨添花花動一山春色行過小溪深處有黃鸝  
千百 當面化龍蛇天矯掛空壁醉臥古藤陰  
下杳不知南北

黃庭堅字魯直分寧人爲國史編修趙挺之上荆  
南承天院記指爲幸災徙嶺南至蒼梧爲郡守書  
戒石碑尋勝遊咏久之

高登字彥先漳浦人宣和間爲太學生與陳東上  
書者再紹興二年廷對無所顧忌有司惡其直授  
富川主簿提刑董敦問其名檄讞六郡獄復命兼



賀州學事學故有田舍時已歸買馬司登請復其  
舊守曰買馬養士孰急登曰買馬固急然一日廢  
士與堂下卒何異守不能奪卒歸之學攝獄事守  
欲脫殺人者藉口陰德登曰陰德豈可有心爲之  
殺人者可不死則死者寃何銷哉秩滿士民留不  
獲相率餽錢五十萬登婉辭之置於學買書以謝  
士已而廣曹鄭高趙不棄辟登攝歸善令遂主試  
登策閩浙水災所白直言不聞深可畏論則將焉  
用彼相賦郡守李仲文卽馳達秦檜檜震怒坐以  
他事取旨編管容州登謫居授徒家事不介意惟

梧州府志

卷之十五

宦蹟下

三

聞朝廷行事小失輒顰蹙不樂臨終所言皆天下  
大計

李光字泰發越州上虞人高宗時叅知政事秦檜  
以親黨鄭億年爲資政殿學士光於榻前面折之  
又與檜語詰上前因曰觀檜之意是欲壅蔽陛下  
耳目盜弄國權懷奸誤國不可不察檜大怒明日  
光丐去高宗曰卿斥秦檜舉措如古人朕方寄卿  
腹心何去哉光曰臣與宰相爭不可留章九上除  
資政殿學士知紹興府中丞萬俟卨論光陰懷怨  
望請授建寧軍節度副使藤州安置是四年移



州又移昌化論文考史怡然自適年踰八十以郊恩復左朝奉大夫至江州卒孝宗賜諡曰莊簡

李莊簡公奉祠還里居於新河每言及時事往往憤切與歎謂秦相曰咸陽一日舉酒屬客曰某行且遠謫矣咸陽所忌者某與趙元鎮耳趙既過嶠某何可免後十餘日果有藤州之命

庵筆記

吳元美字仲實福州人紹興中爲福建安撫司機宜鄉人鄭璋告其作夏二子賦譏時宰又謂其家亭號潛光有心於黨李堂名商隱無意於事秦秦

梧州府志

卷之十五

宦蹟下

美

檜甚惡之編管容州士子登門從學甚衆嘗遊勾漏山作寶圭十洞記未幾卒容人建勾漏書院於學傍祀之

劉珏字希范長興人登崇寧進士初遊太學以書遺中書舍人鄒浩責其拱默不言浩愧謝宣和中金人攻吉州分兵追太后舟至太和縣衛兵潰珏奉太后退保虔州言者論不已貶衡州紹興初許自便卒於梧州

王循友知建康嘗罪秦檜族黨安置藤州鄭珏有嘲諱講和之語竄容州



曹勛字公顯翟陽人建炎元年至南京以御衣所書進入高宗泣以示輔臣勛建議募敢死士航海入金奉徽宗由海道歸執政難之出勛於外凡九年不遷紹興中歷遷忠州防禦使肅毅等來命勛爲接伴使未幾落階官爲容州觀察使

呂擴齊州人丞相頤浩子官至朝散郎貶梧州司戶秦檜追憾頤浩再竄藤州擴雖在貶所以詩書自娛絕不知有遷逐苦

羅大經廬陵人初爲容州掾後爲范旗叟幕客會僚屬小酌曰今日之集非特不談風月亦且不談

梧州府志

卷之十五

宦蹟下

三七

文章只說政疵民病衆皆唯唯惟大經從容曰若談夫子孟軻之文章以澆光風霽月之胸次則施之有政當有本末先後而民病有瘳矣旗叟甚善其言

明

解縉字大紳吉水人洪武戊辰進士上封事論時政剴切萬言永樂間爲翰林學士直文淵閣時上方用兵交趾公乃言交趾古羈縻國通正朔時實貢而已得其地不足郡縣上遂疎公出爲廣西叅政尙書李至剛奏公怨望請交趾過藤山喜藤州



水寓水月巖盤桓旬月藤人士多從學焉

程文德字舜敷永康人弱冠有學行嘉靖己丑及第官翰林編修以言事誥累謫廣東信宜尉時督府陶諧建嶺表書院於蒼梧集兩粵士就業延文德典教事諸生從遊成立甚衆植竹院後作棲鳳臺尋遷安福令累官南雍大司成作六章貽蒼梧從學者一曰自愛二曰辨志三曰務實四曰尚行五曰敦本六曰持謙位少宰清修一節終始不渝德行文章爲世所重

高翀字翼生慶遠人崇禎間以貢生任廣東信宜

梧州府志

卷之十五

宦蹟下

三

知縣旋致政僑寓岑溪討論經籍取濂洛關閩以來諸儒之說而聯貫之著爲四書會解後學宗之

按高翀卽熊徵父寓岑日悅其山川風土遂卜居焉熊徵隸籍起家岑邑諸生熊徵以經術樹立其淵源固有自也

林嵩邠州人國子生任監察御史成祖渡江言事忤旨謫戍廣西交趾叛嵩往征之事平授交州府同知歷叅政致仕

譚仕演字四我南海人僑寓岑溪喜山水嘗遊秋風巖得白象之勝八居之巖故多虎人咸畏懼仕



演竟與周旋鮮有所害在巖採木實以食或十餘日不入邨市人傳以爲奇

國朝

方以智字密之江南桐城人崇禎間舉進士任中翰國變時嘗往來於平梧間丁魁楚輩擁永歷爲帝欲以智爲宗伯三召不起馬蛟麟定梧守志不屈因祝髮爲僧號行遠寓光孝寺後居廬陵之青原山稱藥地禪師

梧州府志

卷之十五

宦蹟下

三九

